

I'N LER POUR DONN EN LAPE

**DIVIZYON
I VIZIB
(P.2)**

I'n plis ki ler pour donn en lape e les Prezidan Danny Faure travay dan lentere Sesel.

Prezidan Faure in dir e redir ki Sesel i pli gran ki nou tou.

Tou Seselwa pou dakor ki i pa le moman pour rod latansyon akouz nou annan kapris oswa noule tay premye pour esey vin prezidan akouz laz pe monte.

La i moman pour travay pour lepep. La i moman pour travay ek Prezidan Faure pour tir laprovrete ki zot menm zot dir i annan. Deza nou war lamelyorasyon partou kot Prezidan pe pase- dan tou distrik. I pe travay pour amelyor

striktir saler e kontinyen rod fason pour fer pri lavi desann ; lekol pe pran zot lotonomi pour fer sa diferans dan ledikasyon e konportman nou zanfand ; nou war plis progre atraver travay ki gouvornman pe enplimante ; lafanmiy pe vin pli solid e prosper ; benefis welfer pe zet en regar pli pre a bann fanmiy ; i annan lape ek stabilite dan tou kominote ; e legliz ek sosyete sivil pe ede pour sosyalman reanmenn valer ek respe parmi nou zenn pep. I'n

ariv ler pour nou war lamelyorasyon, lamelyorasyon e plis lamelyorasyon partou.

Se Seselwa ki merit ganyen-annou fer Seselwa vin 'winners'. I pa letan pour politisyen rod zot ganyen. Pa ni 50 bef, ni en morso later e ni en paryaz pour tay avan nou dalon, ki priyorite.

Nou priyorite se Sesel e touzour Sesel. Bon legzanp i devan nou-Prezidan Faure. I met Sesel ek Seselwa par lao son prop lanbisyon e lavi personnel.

DIVIZYON I VIZIB

Levidan pour tou Seselwa ki i annan divizyon dan lopozisyon malgre ki zot toultan fer keksoz pour maske- legzanp sa 'damage control' demen.

Me sa i zot probleman, zot dil avek.

Antretan i dan lavantaz tou Seselwa pour siport travay Prezidan Faure pour met Sesel avantou.

I'n deside met politik partizan dekote e pran son responsabilite

koman Prezidan Larepublik serye pour travay pour tou Seselwa.

Son bann priorite dan gouvènanman se 'service-delivery', kontinyen anmenn progre e fer desann pri lavi. Son bann priorite dan sosyete se retir laprovre e ed fanmiy Seselwa-

baze lo bann prensip nob tel ki legalite dan loportinite.

Nou rapel byen ti osi annan en group dimoun ki ti promet pour travay pour lepep. Ozordi zour olye travay pour lepep zot kontinyen lager pour zot lanbisyon personnel.

PARTI LEPEP I ANNAN SESEL A KER

Depi 1964 SPUP ti konmans en lalit pour Sesel. Apre sa pour 40 an SPPF/Parti Lepep in dirize e anmenn en transformasyon dan Sesel. Parti Lepep i annan kapasite.

Tou Seselwa senser e onnet ki viv dan Sesel e i'n vwar son lavi amelyore, i'n benefisyè anba prensip Parti Lepep merit koste sa Parti.

Ziz keksoz pour zot menm, tir zot prop konklizyon. Selman bann ki dan lopilans ki blyi zot nesans. Mazorite Seselwa i realis e

rekonesan. Mazorite Seselwa i patriotik.

Tou sa ki kapab fer en kontribisyon avek lentansyon senser e onnet merit siport sa Parti. Nou devret lite pour kanmarad. I neser ki nou Parti i rebran son lavenir.

Produced, Published by the **PARTI LEPEP**.

Tel: 428 49 00 P.O.Box 1242, Victoria, Mahe, Seychelles. Printed By **NISA PRESS**.